



兵部則例

職方清吏司

軍政

一武職軍政原定軍政五年舉行一
軍政以後所行之事并事故詳行開注提督總
兵官自陳副將以下各官屬總兵官管轄者總
兵官注考不屬總兵官管轄者該副將叅將等
官注考其注考時將各官履歷賢否實蹟造具
清冊填入考語徑送該督提等再嚴加考覈確
定去留造冊密封送部其應自陳之提督總兵



官於各官文冊起送之日一並自陳至在內鑾儀衛漢鑾儀使自陳冠軍使以下整儀尉以上等官由滿漢堂官注考造冊密咨巡捕三營將備及各門千總由步軍統領注考造冊密咨直省衛所經營錢糧各官由布政使司及該道詳注考語密呈督撫督撫再詳加考覈造冊密封達部○又定內外軍政各官升任裁汰降調離任一年以上者舊任不必注考於新任注考不及一年者仍於舊任注考均於十月內具題到部部會都察院兵科河南道察覈題覆○十一

年題準各省軍政造具四柱文冊分送本部及兵科河南道考覈其冊開各官除本部題覆出榜曉諭外如有遺漏舛錯仍聽科道各官察叅○又題準軍政應考各官有營求囑託及羅織生事或親自出名或主使他人投詞告訴匿名造揭暗圖侵陷者在外聽督撫在內由部行五城御史巡捕營緝拏叅究○又題準軍政考覈屆期閱冊各官於寓所各書迴避粘貼門首郎中員外郎主事住宿衙署均嚴加關防閱冊畢會同兵科河南道叅訂賢否以定去留○康熙

三十六年

諭軍政大典五年一舉所以黜陟將弁砥礪官方使賢者知勸而不肖者知儆關係綦重每見督撫提鎮不能實心奉行輒向所屬需索部費恣意誅求因而將弁以下節次侵削重為兵害至於所舉所劾或瞻徇情面或曲庇私交將扣剋額餉虛冒兵糧濫受餽遺虐取規例委係貪酷及衰懦闒茸不能騎射之人不行糾劾止將微員細事草率塞責以致貪婪庸劣之輩無所戒懲而守法奉公宣勞盡職者抑遏不揚無所激勸殊負朝廷旌別淑慝之意爾部可即通行各

督撫提鎮此次舉行軍政務矢公矢慎力破積弊俾舉一人衆皆以為賢劾一人衆皆以為不肖庶激揚咸當而國家允收得人之效倘因仍陋習不知悔改後有發覺定將該管官一并從重治罪欽此○雍正元年議準軍政自陳各官有遺漏舛錯上次自陳以前之事者概免議處其奉

旨察議者仍照例議處若遺漏已經議處降罰案件有關考成者罰俸一年遺漏廕子加級等事無關優劣者罰俸六月至失用印信不開籍貫並籍貫舛錯等項細故者止行嚴飭○四年奉

旨。嗣後凡降罰之案。奉旨特免者。不必載入自陳本中。著吏兵二部一體遵行。○五年奉

旨。向來軍政之年。該管官往往以千把總舉劾塞責。似此微員。優者可以隨時拔用。劣者原可咨部黜革。何必待五年軍政之時。嗣後千把總於軍政舉劾之處。著停止。○乾隆六年奏準。京口。福州。廣州。將軍所轄

旗員軍政。仍照八旗軍政例遵行外。八旗軍政事隸武選

司其所轄綠旗營各官。遇軍政之年。照提督之例辦理。有應議者。亦照提督之例議處。○七年奉

旨。各省軍政五年一舉。乃黜陟將弁。鼓勵戎行之要務。為督撫提鎮者。留意於平時。而舉行於此日。必正公無私。甄別允當。舉所當舉。而眾人皆知奮興。劾所當劾。而眾人皆知儆戒。將見人材輩出。士氣益勵。國家於以收干城腹心之效。所關匪淺。也。昔我

皇祖

皇考。加意武備。訓諭諄諄。其因舉劾不公。降

旨申飭者。至嚴且切。今當軍政之期。倘司其事者。或瞻徇情面。庇護私人。將居官貪劣。及衰懦闒茸。不能

騎射之人姑容在職止將微末員弁數人填注充數而使技勇過人勞績素著或秉性質樸實心効力者遏抑隱藏無所表見則賞罰不明賢否倒置人心懈怠戎政廢弛重負朝廷委任之意其罪不可逭矣用是特頒此旨務各洗心滌慮將從前情弊陋習一一屏除以肅鉅典倘有仍蹈前轍者經朕訪聞或被科道糾參必當加以嚴譴該部即通行曉諭知之○十七年

諭京察之年部院堂官各省督撫循例自陳求斥罷候旨照舊供職此雖三載考績之義但卿貳職贊

機務督撫任寄封疆朕量材簡擢日復於懷其有不副委任或克稱簡畀者率已隨時黜陟斷無遼待三年之理凡可俟至京察解退者不過閒曹冷署年力衰昏而又非有大過介於可去可留之間者耳且身列大臣謬以斥罷為辭是相率為偽誠無謂也嗣自今內而部院司官外而道府京察大計之例仍舉行以昭激勸其自陳繁文著停止以示崇實武職五年軍政視此欽此

一軍政卓異順治十二年題準卓異各官移咨禮部賜衣一襲○又題準卓異各官必須才技

優長。年力精壯。馭兵有術。紀律嚴肅。給餉無虛。兵民相安。食俸已滿三年者。方準以卓異具題。由部院覈覆。其與例相符。應準卓異之人。如係遊擊以上官引。

見未滿三年者。由部具奏請。

旨。不必送部引。

見至引。

見已過三年及未經引。

見并都司以下引。

見未滿三年者。均令送部引。

見後以卓異注冊。若不候部院題覆。遽行赴部者。給

咨之督撫提鎮。罰俸六月。○又題準。各官有清

廉能幹。其降罰之案。係因公呈誤者。皆準其卓

異。其食俸未滿三年。及有盜案未結者。不論多

寡。概不準卓異。若係前任內曾有盜案。已經議

結。見任內並無事故。及考語間有參差。無甚關

礙者。亦準其卓異。○雍正元年奉

旨。嗣後軍政卓異。有不合例者。將何人保舉。並與例不

符情由。別行開明具奏。○十二年奉

旨。各省卓異官。皆有見任地方之責。每當大計之年。理

應先行具本。候旨勅交部院察議。其與例相符。應準卓異者。奏聞令其進京引見。其與例不符。不準卓異者。候朕酌量。應令引見與否。再降諭旨。如此則地方事務不致廢弛。而與例不符之人。亦不致徒費往返。甚屬有益。嗣後將此永遠為例。

一軍政糾劾。原定八法各官。通為一本。奏貪酷有款者。草職提問。如事在

赦前免罪。永不叙用。不謹罷軟者。草職。年老有疾者。勒令休致。才力不及者。降二級調用。浮躁者。降一級調用。不準援

赦。從前卓異。即升及一應加級紀錄。不準抵銷。其不謹罷軟。有疾不及。浮躁等官。均送部引

見。年老官不必送部引

見。如有情願赴部者。該督撫提鎮。仍給咨送部。○雍正元年議準。軍政八法。除貪酷不謹外。其餘糾叅各官。有曾經出征受傷立功者。若例應草職。仍給本身空銜。例應休致降調。準令子弟一人。入伍食糧。○二年奉

旨。吏部兵部。三年一次舉行大計。軍政此內有應草職者。若俟部議具題奉旨之後。方行解任。其地方遠者。

為日甚久。劣員預知被革。恐其恣肆妄為。嗣後舉行大計軍政之時。有應革者。即令解任。若具題之後。或有免其革職者。仍可再行補授。○乾隆二年。遵

旨議準。軍政年老各官內。如從前曾經出征効力。今係年老衰邁。實難勝任者。準以原品休致。令子弟一人入伍食糧。如無子弟。給守糧一分。以終養贍。其年齒雖老。而精力未甚衰憊。尚可辦事者。該督撫提鎮酌量。或仍留任。或行調簡。俾効力之人。不致因年老失所。○五年

諭。綠旗武職軍政年老各官。朕前降旨。將曾經出征

効力者。準其原品休致。令子弟一人入伍食糧。如無子弟。給守糧一分。以終養贍。至軍政有疾曾經出征受傷得功之人。雖有子弟食糧之例。其無子弟者。尚未議給養贍。著嗣後軍政有疾各官。曾經出征効力者。均照年老之例辦理。再武職出征効力之人。有以老病告休者。因未屆軍政之年。轉不得援養贍之例。情殊可憫。嗣後各省除副叅等大員外。都守以下各官。有以老病告休者。著該督撫提鎮覈明該員實有出征効力之處。於題咨內分別聲明。亦照軍政年老有疾之例。一體加恩優卹。

欽此○六年奏準軍政八法除貪酷不謹均行
議革外其罷軟官有曾經出征受傷立功者給
與本身空銜年老官有曾經出征効力令衰憊
不能勝任準原品休致有子弟者令一人入伍
食糧無子弟者給守糧一分以終養贍若精力
未甚衰憊或留任或調簡該督撫提鎮酌量請
旨遵行有疾官曾經出征効力者準以原品休致有
子弟者令一人入伍食糧無子弟者給守糧一
分以終養贍至滿洲蒙古漢軍外任營官如遇
軍政填注老疾曾經出征受傷及得有功牌者

仍照在旗武職老病休致之例分別優卹○十
年

諭向例軍政糾叅年老有疾休致官員及都守以下
老病告休者如曾經出征準令子弟一人入伍食
糧如無子弟給守糧一分以終養贍其各省甄別
候補守備之年滿千總因年力就衰咨部休致者
亦照此例辦理如因人材平常弓馬生疎則例不
準給朕思此內不無曾經出征著有勤勞之人應
一并加恩以示優卹嗣後著該督撫等覈明實有
出征効力之處於題咨內聲明亦照前例準令子

弟一人入伍。無子弟者。給守糧一分。俾不致於失所。欽此。

一不入舉劾各官。雍正元年

諭。五年舉行軍政。其居官優者。列為卓異。劣者。分別輕重。置之八法。所以澄叙官方。勸善懲過。典至重也。朕思卓異八法。所舉所劾。不過十數人。而平等供職。不列舉劾者尚多。如武官騎射之優劣。訓練之勤惰。皆未填注考語。是考課尚有遺漏之處也。嗣後軍政。除卓異八法。照舊例舉行外。其平等官員。自守備以上。皆於軍政之年。令督撫提鎮。注明考語。造冊詳報兵

部。務期秉公覈實。不得徇情任意。顛倒是非。欽此。○又議準。不入舉劾武職。自守備以上。詳開履歷。造具文冊。並將該員散給兵餉。訓練營伍。騎射年力。緝盜安民。各若何之處。由該管官詳悉填注考語。至衛所官。經手錢糧。有無虧空。及辦事勤惰之處。亦令該管官詳悉填注考語。造冊送部。以憑考覈。

一注考違例。康熙十一年議準。軍政考語。含糊參差。及將應注考者不注。不應注者注考。或開報年歲不符。并失注去留者。督撫提鎮。罰俸六

月申報之該管官罰俸一年。○乾隆六年議準。注考違例。若不由該管官申報。係督撫提鎮自行填注者。即照申報官例議處。如將舉劾官合為一本具題者。該督撫提鎮罰俸一年。一保薦不實。原定武職軍政卓異。必須詳慎。方足以符鉅典。如將有盜案之官保薦者。督撫提鎮各罰俸六月。申報之該管官罰俸一年。○康熙二十三年議準。督撫提鎮濫將匪人徇情薦舉者。降二級調用。申報之該管官降三級調用。○雍正六年議準。卓異之官。原任內有貪酷不

法。原薦舉官即行揭報題叅者免議。如不揭報題叅。將原薦舉之督撫提鎮降五級調用。副叅遊等官均革職。若卓異後。或復回本任。或升轉他省。別犯貪贓不法之款。審實者。其原薦舉各官。仍與卓異之官同在一省。未敗露之先。察出揭叅者。免其處分。若不揭報題叅。將督撫提鎮降二級調用。副叅遊等官降三級調用。原薦舉各官。已不與卓異之官同在一省。於貪贓不法之處。無從揭報題叅者。將督撫提鎮降一級調用。副叅遊等官降二級調用。此等皆降實級任

內雖有加級薦紀軍功卓異即升。不準抵銷。一軍政科斂原定。官員直軍政之年。有借端科斂者。草職提問。若該管官知而隱匿不揭報者。草職如已經揭報。該提鎮不題。叅者降五級調用。

一武職薦舉原定。直省總兵官不準薦舉。其副將。叅將。遊擊。都司。守備。每二年半薦舉一次。陝西省薦舉五人。直隸。江南。福建。浙江。湖廣。四川。廣東。各薦舉四人。山東。山西。江西。廣西。雲南。貴州。各薦舉三人。河南薦舉二人。必才技優長。年

力精壯。馭兵有術。紀律嚴肅。給餉無虛。兵民相安者。各按省分額數薦舉。準其紀錄一次。如無賢能之員。即停其薦舉。若將有盜案之人薦舉。及薦舉後見任內有劣蹟發覺。將原薦舉官均照軍政例議處。此薦舉時。如有劣員。一并糾叅。照軍政八法例分別議處。如無劣員。亦停其糾叅。○康熙三十七年議準。若遇軍政之年。將舉劾停止。○乾隆十一年議準。漕運總督於二年半舉劾標員之外。又別將各省沿途催漕各官舉劾。但催漕各官。該本省既有二年半舉劾之

例自應歸各本省督撫提鎮舉劾若漕運總督
復行舉劾事屬重複應行停止



